



kat.komp.

14172

III

Mag. St. Dr.

P

g. Albo

sensis

Divcef. Colleg. Scholae Pat. Coronatrix regae
Poloniae Cracoviae

PANEG. et VITAE

Polon. Fol.

Nr. 213

XX

[Faint, illegible handwriting in a cursive script, likely a historical document or manuscript.]

C

in

I

C

E

C

T

C

CORONATRIX

REGVM POLONIÆ

CRACOVIA,

DVM

in primo ad Cathedram suam ingressu

CAPUT

MERITISSIMUM

CELSISSIMI, ILLUSTRISSIMI, & REVERENDISSIMI DOMINI

D. GEORGII

ALBRACHTI

COMITIS A

DONHOFF

Sacri Romani Imperij Principis,
EPISCOPI CRACOVIENSIS,

DVCIS SEVERIÆ,

Præfuleo-Ducali Mitrà coronaret,

CORONATA.

Applaudentibus tanto Actui

Dioecesanis Scholarum Piarum Collegijs.

ANNO REGIS REGVM, M. DCCI.

CRACOVIAE, In Offic; NICOLAI ALEXAN; SCHEDEL S. R. M. Typ.



Honorem titulis dedit, dum accepit.

Polonus Orator in Paneg: Lipsij.



CELSISSIME PRINCEPS.



I unquam evidentiori probatum argumento, quàm liberaliter munificus cælorum favor, longis expectationibus mortificata, soletur desideria, hodie certè constitit apertissimè; postquam Te nobis tot suspirijs expetitur, tot votis imploratum PRÆSULEM destinavit. Viximus diu orphani sine Capite, absq; Pastore oves, absq; Principe orbitatem nostram tædiosi querebamus populi: disrupto MALACHOWSCIANÆ nexu FASCIÆ impatien-

patientes hærebamus, quo lugubres singul-
tus, & decumanam lachrymarum ab oculis
detergeremus tempestatem. Indoluimus ad
succifam fatali securi DAMBSCII ARBOREM,
& sub cuius umbrâ svave expectabamus re-
clinatorium, eidem intrâ breve satis spatium
cum folijs decussæ parentare debuimus dolo-
re funebrali. Sed tantùm hodie gestimus
gaudijs, quantùm antè mœsti, optatissimo
adventu Tuo omnium corda serenante. Re-
funditur planctus solatijs, amænitate dissipa-
tur tædium, diuturna orbitas vultûs Tui fru-
itione recompensatur. Habet jam metro-
politanus honor quibus securè incumbat
humeris, habet præclarissimus Capituli hu-
ius Coronarum ternio Caput, habet Du-
calis Mitra verticem meritissimum, habet
Præfuleus Tiaras tot Infulis exercitam fron-
tem, habet Cracovia desideratum Hospitem,
quem è gentilitijs suis Turribus diu prospe-
ctabat. Scilicet in hoc amplissimo Diœcese-
os Tuæ orbe nihil est, quod auspiciatissima in-
auguratio Tua ad sensum lætitiæ non per-
moveat. Coronas hic præcellas Domos,
ipse avito sanguine Illustrissimus; auges læti-
tiâ

tiâ tot Divorum basilicas Antistes Devotissi-
mus; animas Clerum, vigilantissimus; do-
ctas solaris Athenas, eruditissimus; in spem
meliorem erigis subjectum populum, Prin-
ceps optimus; omnium deniquè præstolan-
tia superas vota, cùm omnibus major adve-
nisti. Et quidni major advenias? sive enim
ab origine magnitudinem Tuam æstimamus,
sive juventutem præstantissimis excultam stu-
dijs metimur, sive antecessarios honores
consideramus, sive labores per suprema Re-
gni ministeria probatos revolvimus, seu de-
niquè virtutum insignia veneramur, ita ubiq;
emines, ut quamvis maximis admoverere
purpuris, omnibus esses, uti præsentis es, pro
coronâ atq; ornamento.

Patere hunc encomiorũ Tuorũ terminũ;
& quia infimus est, Celsitudinis Tuæ accusa
sublimitatem, quæ nostram tenuitatẽ depres-
sit. Ita enim quibusvis oratoribus ubiq; oc-
curris ingens, ut de Te non possint, nisi hu-
mili dicere charactere. Patritium nempe
Capitis Tui decus, etiam præsentissima con-
fundit ingenia; præacuti Apri DONHOFFIANI
dentes, & calamorum, & frontium hebetant

B

acumi-

acumina. Idcirco infra laudum Tuarum proportionem dictum esse supponito, quidquid dicere attentabimus.

In supremo honoris apparere culmine, atque supra aliorum capita dignitariis elevari ascensibus, etsi non iis tantum fortuita fortis concessit dispensatio, quos claritudo generis proximos Iovis collocavit lateri, injuriam tamen augustus fascium apex reputavit, si quando illis deferatur, quos nec meritorum, nec altioris sanguinis commendavit privilegium. Potuitne cæcus Fortunæ livor gravius Romano illulisse populo? quam dum ei postpositis tot Patritijs, in domo plebeia natum Marium præfecit Consulem; eò sanguinis sitiëntiorem nobilis, quò magis ignobiliter natum. Videlicet non tam Sidonio murice, quam verecundo rubore suffunduntur trabæ, si illis iniiciantur humeris, quos aut nullus, aut exiguus antecessorum splendor tanto gestamini fecit candidatos. Et quamvis prærogativa virtutis neminem à templo excludat honoris, pulchrius tamē Tyrius color rutilat, ubi illustriori flammâ patritiæ splendescunt cæræ. Dic mihi cur tantâ maiestate in Ju-

lij, atq; Augusti vertice imperialis radiavit tæ-
nia? ut in adorationem Romani nominis
orbem accenderit universum; dic, quare ille
ipse splendor Quirinæ gloriæ in Commodis,
Helvijs, & Maximinis Thracibus adeò dimi-
nutus? nisi quod illi magnorum decora na-
taliū junxerunt splendoribus majestatis, isti
nec generis, nec virtutis insignibus coruscā-
runt. Nempe pucherrima est reciprocatio,
dum & illustris honor candidato, & candida-
tus honori affundit serenitatem.

Quando ad Tuos natales is Ducalis mi-
træ decor, quem hodie capeffis refringitur,
omninò fateri debet, quòd illi nihil debeas;
cū à Tuis domesticis splendoribus tantū
lucis recipit, quantū conferre nititur; imò
plus recipit, quā confert: nihil enim con-
fert, quod vel Tui Aborigines non hæreditā-
runt, vel propriæ virtutis & meritorum respec-
tu non possedisti **PRINCEPS CELSIS-**
SIME. Offeritur Tibi Ducalis tænia; sed
hæc per Avorum Tuorum rotata verticem,
inter **DONHOFFIANA** decora agit in-
quilinam: datur ternio Coronarum, at Dia-
dematū non inscia **DONHOFFIORVM**

Origo Don
HOFFIANÆ
Domus.

Atavi, Pro-
avi, Princi-
pis Nostri

Capita, quorum Origo è Sanguine Regum
Aragonorum, Lusitanorumq; ante integrā
sæculorum decadem promanavit: tribuitur
cum Ducali gladio jus quoddam indepen-
dentis à Majestate potentiæ; inter Præsuleos
ascensus suprema curulis, tertius à folio re-
gali apex. Sed quid novi inter hanc titulorū
seriem recepisti? Veditnè aliquando glorio-
sissimos Atavos Tuos, seu dum è regnis Hi-
spanicis in Franconiam, è Franconia in Ger-
maniam, ex Germania in Livoniam, hinc in
Poloniam transeundo, orbem implent factis
immortalibus. Veditnè sæculū aliquod non
maximos? Invidendo illos exoticis regioni-
bus, primū ad se per SIGISMUNDUM AUGU-
STUM invitavit Sarmatia; tam parvo tēpore,
quā magna hīc, & innumera egerūt! quā
altas curules, meritis pro gradu utēdo, posse-
derunt! Palatinas, Derpatensem OTTO,
cujus dexteritati unitos sibi Livones semper
adscribet Polonia; Vendensem THEO-
DORVS, fulmen, & strages Cruciferorum;
Parnaviensem ERNESTVS, Svetici Leo-
nis domitor, & ad Chocimum, sub trium-
phali STANISLAI LUBOMIRSKI Clavā, contra
super-

superbas Osmani vires egregius ductor legionum, & HENRICVS refractariæ compressor Livoniæ: Pomeranam, GENE-
BRARDVS, legationis munere pro LUDOVICA GONZAGA sumptu magnifico, & expensis verè principalibus orbi clarus; & GERARDVS clade Svecorum in Thorunien-
sibus arvis memorandus; & VLADISLAVS qui post Viennensia trophæa cùm ardore bellico incensus fragmenta Asiaticarum virium, & ereptum fugâ victori gladio Vezyrium persequitur, ad Strigonium heroicâ occumbens morte, defensæ Christianitati vitam dedit in victimam: Mariæburgensem, ERNESTVS, notus utriq; soli ob Kalussienses, Zorawnenses, Chocimenses, & Austriacas laureas. Castellanas, Vitepscensem, CHRISTOPHORVS, qui ultra Balthidis littus proterviam Svecorum ulciscens, in coronamentum Patriæ triumphalia decerpendo ferta, hostibus taxos plantavit funebrales. Quæ non posteritas, quæ non mirabitur ætas FRIDERICVM Ducatûs Lithvanici Subdapiferum? tantus ille militari scientiâ fuit, ut à Friderico Electore Brandenburgico

C

invi-

invitatus, Supremus Electoralis militiæ Generalis constitutus, meruerit tot bellorū Imperator à gente extera adorari, audiriq̃. Sic CAROLVS Venator Siradiensis cū in altissimā tunc Poloniæ pace immortale nomen venari nequiret, sub Imperialibus Aquilis, Mōtecuculli, & Susa Ducibus, ea gessit, quæ grata tantis facinoribus posteritas non cessabit prædicare. Sic HENRICI legionum pedestrium Generalis fama, in bellis Sveticis, Moschoviticiis, Vkrainensibus, Scythicis acquisita, eò excurrit, quò solet maximorum. Sic HERMANNVS invictā animi fortitudine Threijcijs furoribus ultra regni limites occurrendo ad Cecoram cæsus, non tantū ZOŁKIEVII Ducis in laudes suas linguam animavit, verū & secuturis annis eam de se loquendi iniecit obligationem. Taceantur tot Arcium Præfecti Koscierzyenses, Duneburgenses, Starogardenses, Wielunenses; non refodiantur THEODORICI Regni Poloniæ supremi Succamerarii, Regum VLADISLAI, IOANNIS CASIMIRI, MICHAELIS, IOANNIS Tertij, fidissimi Ephæstiones, hos enim meliùs in adamantinis tabulis
ad

ad omnium ætatum notitiam exaravit æternitas: non memorentur VLADISLAI Lithvaniæ Ducatûs Thesaurarij; non notentur ALEXANDRI Abbates Pelplinenses, & Andreovienses; non vocentur in angustias paginæ istius GASPARES Palatini Siradienses Avi Tui, qui magnæ legationis ad FERDINANDUM tertium Romanorum Imperatorem, & VRBANUM Octavum fascibus insignes, tam gloriosè spartam suam obiverunt, ut illis non licuerit absq; Principali Mitrà redire in Patriam. Vnum duntaxat dicamus IOANNEM CASIMIRVM Romanæ Ecclesiæ Cardinalem, Episcopum Cæsenæ, Abbatem Claræ Tumbæ, & satis grande documentum DONHOFFIANÆ magnitudinis, admiraturæ exhibemus posteritati. Quibus hic virtutum radijs eluxerit? facile concludere est, si consideretur par esse miraculo, Polonum aliquando apud externos promotum. Apud nos quàmprimùm alienigenæ fixerunt pedem, illicò antiquos centones honorarijs permutant togis; muscipulis venditis, opimas capiunt fortunas; jam Comites aut Barones, apud se bubulcorum so-

Cardinalis
DONHOFF.

cij; beneficijs pingues, in patriâ fame mori-
turi. Polonorum hæc infelicitas est, quòd
non sint nisi in Polonia apti gradui altiori;
Polonorum inquam! qui & nobilitate ge-
neris, & libertatis privilegio, & indole ad c-
mnia summa pares in orbe non inveniunt;
extrà patrios limites capacitas sterilefcit. Per-
fregit nihilominùs, pertregit feliciter istam in-
gentem nostram duritiem eximia virtus Tui
Patrueles, vi meritorum, ut validissimo usus
ariete; expugnavit ultralimitaneorum pertu-
naciam; tamq̃ fortes virtutum præmissas po-
suit, ut etiam caput orbis Roma concluderet;
Polonum extra Poloniam esse dignum infu-
lato honore. Sedit ergo inter Purpuratos
Ecclesiæ proceres absq̃ externis promotio-
nibus; adlectus in Senatum Apostolicum, si-
ne Monarcharum nisu, & molimine; occu-
pavit Cæsenatem Cathedram, INNOCENTII
Vndecimi voto, altiùs evehendus, nisi Eve-
ctorem militanti Ecclesiæ triumphans rapu-
isset. Vixisset hætenus! videret orbis quòd
non satis erat DONHOFFIO in Cardinali-
tio murice vitam terminâsse. Præreptus Ec-
clesiæ, & votis rectè sentientiũ maturiùs ac-
ceptus,

ceptus, quòd cælo tantæ virtutes quàm terrâ
digniores viderentur; forsitan huc collinean-
tibus Superis, ut cùm unius DONHOFFII
merita non æquè dum viveret, coronâssent,
in altero, Te videlicet PRINCEPS CEL-
SISSIME defectum compensent remunera-
tionis, ijs Te destinando fascibus, quibus ille
coronatus decessit. Et verò injuria foret in-
gentibus ejus meritis, si saltem in proximo
non coronarentur sanguine. Quamvis enim
illa jam cælo integro compensata, adhuc ta-
men à terra præstolâtur gratitudinem. Qui-
bus & ego prolixiori suadâ gratificarer, nisi
illam in sui admirationem raperet SIGI-
SMVNDVS DONHOFF CAPITA-
NEVS SOKALIENSIS PARENS TV-
VS GLORIOSISSIMVS, PRINCEPS
CELSISSIME. Egit ille tantùm solus in
rem Patriæ, quantùm incubuit universis; e-
git in illa ferali belli Cosatici procellâ tam
generosè & providè, tam zelosè & constan-
ter, ut parùm ei grata posteritas testaretur, si
antiquis Scipionibus conferret & Metellis.
Vt viveret Patria, vitam ijs obijciebat pericu-
lis, quæ nemo præter se auderet involare.

D

Vacil.

Parens
Principis

Vacillabat Polonorū robur, animabat; cre-
scebat rebelli subdito audacia, obsistebat; ce-
debant suorum agmina, pudorem fugitivis
obijciendo, sistebat; cadēbant imparibus vi-
res, succurrebat; & miles, & ductor, & ag-
gressor, & repressor strenuissimus. Si illi tunc
altius Martis gubernium permisisset ille di-
scors belli administrandi triumviratus, non
ita superbivisset rusticus Chmielnicij spiritus;
vertisset tergus ex acie Bellonæ ruricola bel-
lator; mutasset in aratrum chalybem, quem
per summum nefas in colla exacuerat Domi-
norum.

Sed quid ego bellicos Parentis Tui sudo-
res exaggero? quasi novā in Domo DON-
HOFFIANA commendaturus actionem;
id memorare debueram, quod nulla ætas &
memorare, & admirari cessabit. Cū enim
ad eam infelicitatis aleam perventum esset,
ut aliter Cosatici belli tempestatem edomare
non possemus, hinc crescente in dies rebelli-
um numero, & eligente potius in dominos
fævire, quàm servire contumacissimā plebe;
indè adjuvante Scythico furore nefarios ru-
sticorum ausus, nisi temperato in subditos
domi-

dominio ; & quæ pristino jugo nequivimus
colla insolentis populi subiicere, amicâ spon-
sione, & promissis dulcioribus ad meliorem
frugem flectere intenderemus ; tamen con-
scium patrati sceleris vulgus etiam sic deli-
butum, ebrium Polono sanguine ferrum de-
ponere recusaret, donec mutuis pignoribus,
& dato utrinq; obside, fides illibata fæderum
stabiliretur : vidimus Parentem Tuum inter
tot cunctatores sinè cunctatione sese Media-
tori Scythæ pro expetito obside victimantē.
O! factum ad perennem sæculorum instru-
ctionem factis æternitatis inarandum ! ô ani-
mum nullis pro Patria satiatum periculis ! ô
heròem nulli Atheniensium Codro, nulli Ro-
mano Scævola comparandum ! Non sa-
tisne Tibi fuit in tot exantlatis prælijs vitam
prodigere ? non satisne intrepidi pectoris op-
positione hostile ferrum hebetare ? non satis-
ne dispendio profusi sanguinis Polonæ forti-
tudinis refarcire dispendia ? satis alijs ; non
DONHOFFIO. Detinebant alios præ-
meditata inter gentem Tauricanam vivendi
rationes ; retrahebant, jam indigitatos a Re-
ge, molestiæ viarum, non secura cum barba-

ris societas, & nutans ad minimum ventum
Vkrainæ fides; Te nec iusti pavores, nec
amicorum consilia, nec privatæ decessus for-
tunæ, nec liberorum teneritudo retraxerunt.
Cùm jam veteranus, & gloriæ militaris sa-
tur, securus parti nominis, potuisses baltheū
deponere, non solùm id non attētāsti, verùm
ultrà meriturus de Rege & Patriâ, sponte in
corona tunc cataphracti ad Zborovum Se-
natūs, dixisti: *Mandato Principis, & amo-
re Patriæ, non tantum in Bosphorū Thra-
cicum, sed & remote Persidis oras adsum
perrecturus.* Avitæ libertatis tuiturus præ-
tium, liberè captivitatem suscepisti. Quàm
informidati in oculis Tuis fuerint truces Scy-
tharum vultus demonstrāsti, versari inter e-
os non pavescens. Vbi alij post operosa
Martis negotia exutum militari galeâ ca-
put sub pacali reponunt olea, Tu inter
pharetratos Gelonos vigilios elegisti. Cùm
mortem inter tot sævos Gradivi conflictus
invenire nequivisses, aliter vitam ducere re-
cusāsti, si non in obsequio boni publici con-
summandam. Nesciunt videlicet aut vivere,
aut mori DONHOFFII, nisi gloriæ & uti-
litari

litati Patriæ: sive togæ, sive sago annos con-
 secrēt, ubiq; ita extraordinarij factis, ut quod
 alibi sparsim collectum censetur inter ma-
 gnalia, hic propter domesticam magnitudi-
 nem, nihil magnum putetur, nisi sit maximū.
 Et inde est, quod nullum unquam notabis
 DONHOFFIVM, cui sit satis magnorum
 Antecessorum jactare gloriā; quilibet hic
 propriā clarescere virtute, & factis extendere
 nomen connititur; raroq; visum, ut Pater Il-
 lustris Filium non relinqueret Illustrissimū;
 Avus bellax bellicosissimū Nepotem. Hinc
 togati splendores in Domo DONHOFFI-
 ANA perpetuā catenantur serie; nec facile
 inuenies annum, quod Senatoriā non fulgeret
 trabeā DONHOFFIVS: imò aliquot in-
 terdum subsellia regni occupabant. Gemi-
 ni quidem nunc estis inter Patres, Tu PRIN-
 CEPS, & FRATER TUUS ILLUSTRISSIMUS, &
 EXCELLENTISSIMUS CASTELLANUS SIRADIEN-
 SIS. Gemini estis, sed omnibus numeris abso-
 luti: In Tui enim unius humero tam securē
 aureæ libertatis moles conquiescit ILLUSTRIS-
 SIME CASTELLANE, ut nunquam securius in
 brachijs lacertosi Atlantis cælestes sphaeræ.

Illustris D.
 Castellanus
 Siradiensis

Scisso olim in partes diversas, & post privatos respectus abeunte Senatu Romano, fatalem periodum præfagivit Reipublicæ Cato; fortasse quod neminem è Proceribus universalis boni tam studiosum videret, qui magis Romæ, quàm sibi consulere vellet; at intraret nunc ille superciliosus Censor Polonam Curiam, & visis Tuis studiis, quibus publico bono Te impendis, feliciùs certè rebus nostris ominaretur, postquam Tu sepositis Domûs & amicorum curis, adeò universali cōmodo animum consecrâsti, ut non Tibi sed Patriæ natus esse videaris. Non perpendis, quot, & quid? post, vel ante Te dicturi sunt; non examinas, utrum sensus Tui partialibus adversentur intentis; placiturusne an displiciturus ijs, quibus extra cor amor communis utilitatis, ea profers quæ decent virum, promotes, quæ obligant Senatorem. Felix Patria! si plures ejusmodi zelo succensos numeraret Flaminius, jam hucusq; omnibus expedita perplexitatibus, frueretur concessæ pacis dulcedine. Sed erit tempus quo plures curules possidebunt DONHOFFII; habebit AVGVSTVS NOSTER id inter curas

ras regni solatium, dum illi absq[ue] scrupulo, & anxij deliberationibus licebit in DONHOFFIORVM humeris tot multiplicare purpuras. Maturefcit huic fortunæ, & respectui par, ILLVSTRISSIMVS STANISLAVS DONHOFF VENATOR DUCATVS LITHVANIÆ. Iam sibi illum diversi prætendunt murices, iam magna regni invitant ministeria. Indulfit illi naturæ genius tam excelsas animi dotes, ut omnibus dignus, & proximus omnibus videatur. Æstimavit satis tantam indolem magnus ille æstimator, subjectorum IOANNES Tertius, æstimatam plusquàm Capitaneali Koscierzyensis Præfecturæ ornasset prærogativâ, si vel Promovendi ætas permisisset, vel invidus factorum livor annos Promoturo concessisset. Quid dicam de ILLUSTRISSIMO COMITE à DONHOFF INCISORE LITHVANIÆ, Generali exercitus Regiæ Majestatis? quid proferam de ILL: GUBERNATORE VRZEDOVIENSI? quantis isti adolefcunt fascibus? In unam quondam Fabiorum Domum tantum Fortunæ liberalitas invexit titulorum, quantum in emeritos præmiorum numerabat Roma. In Celsissimam

Venator
Ducatus
Lithvaniæ.

DONHOFFIORVM Domum dispensatrix Majestas tot invehet murices, quot sunt in Polonia maximi; jam Palatinos & Castellanos, jam Ducales Clavas, & signatorias gemmas offerendo; ut notet orbis, tam esse omnium capacem, quàm omnes meritam: capaciorem adhuc notaturus, si viderit tot Præclarissimarum Domorum per affines nexus splendoribus amplificatam.

Colligati-
ones.

Non satis quippè erat Antecessoribus Tuis è Regio Sanguine traxisse originem; nisi etiam Cellissimis Familijs juncti latius radiarent; ut nihil esset inter Europæas Domos magnificum, ad cujus illi magnificentiae non venirent participationem. Orbaverat cælum **OPALENIÂ** Conjuge **GERARDVM**, illum contra diversos Patriæ hostes infractum **Herculem**, Capitaneum **Koscierycensem**, sed rependit orbitatem iterato Hymenæo destinans in Sociam vitæ **GEORGII Ducis BRIGENSIS FILIAM**, Piasæ Stirpis adhuc tunc inextinctam scintillam, **SERENISSIMI IOACHIMI PRINCIPIS BRANDEBURGICI NEPTEM**. Cum hac quæ immensitas gloriæ **DONHOFFIANIS** invecata Penatibus? ille facile

cilè enarrabit, qui novit quot sæcula Piaſti in
 throno exegerunt Polono ; qui expendet
 quid ſit, & cui nexa folio, vel cui non nexa in
 orbe Domus Brandeburgica ? Quòd ſi hæc
 obſoleta, & à noſtrâ ætate longinqua æſti-
 mantur, Tu ipſe PRINCEPS CELSISSI-
 ME magnum DONHOFFIANÆ Con-
 ſanguinitatis eſto argumentum. Habuiſti
 enim Proavum Maternum ZBIGNEVM
 OSOLINSKI Palatinũ Sandomiriẽſem;
 habuiſti Avum GEORGIVM OSOLIN-
 SKI natum ANNA FIRLEIOWNA Pa-
 latinide Cracoviẽſi, Mareschalcide Regni,
 Supremum Regni Poloniæ Cancellarium;
 cui omnis ætas, omnis naturæ conatus ſimi-
 lem, nè dum parem, producere desperavit;
 Virum, quem tota Europa admirata, nun-
 quàm prædicare deſiſtet. Habuiſti AVIAM
 ISABELLAM FILIAM NICOLAI DA-
 NIŁOWICZ SUPREMI POLONIÆ THESAU-
 RARII, & ANNÆ VCHANSKA PALA-
 TINIDIS BELZENSIS, Sororem Patruẽlem
 THEOPHILÆ FILIÆ DANIŁOWICZ
 PALATINI RUSSIÆ, & ZOŁKIEWSKA Can-
 cellaridis Regni; quæ THEOPHILA IACO.

Avus N.
 ternus.

Avia.

BO SOBIESKI Castellano Cracoviensi de-
dit Filium, Poloniæ REGEM, Europæ Atlā-
tem, fulmen Asiæ, Christianitati Clypeum
Salvatorem, inimico occasum Orienti, IO-
ANNEM TERTIVM. Habuisti denique
Mater, MATREM ANNAM TERESSIONEM
SACRI ROMANI IMPERII PRINCI-
PEM, DVCEM IN OSOLIN CAN-
CELLARIDEM REGNI, neptem illius
THEOPHILÆ, Sobrinam Sororem ter Sere-
nissimi, ter Invictissimi REGIS IOANNIS
TERTII, AMITAM SERENISSIMORVM,
POTENTISSIMORVMQVE PRINCIPVM
IACOBI, CVNEGVNDAE ELECTRI-
CIS BAVARIÆ, ALEXANDRI, &
CONSTANTINI. In tantâ cum Regali
Clypeo propinquitate quidquid per Impe-
ria, & Regna luminum est, complecteris.
Miscetur domesticis Tuis splendoribus Neo-
burgici, annumerantur Bavarici, & per hos
Augustissima Austriacorum decora accen-
sentur. Præterea si adhuc in aciem OSOLI-
NIANÆ Ascix mētis aciem verteremus, per-
geremusq; ab ipso usq; Lecho Domûs istius
(sub diversis quidem denominationibus, sed
non

non interruptâ lineâ genesis) descendencia
 recitare nomina; ingentia profectò orbi pro-
 poneremus volumina, ex quibus disceret,
 OSOLINIOS non tantum antiquitate, verum
 etiam gestis in Regno munijs triumphare.
 Sed nota scientibus narrare non expedit.
 Monstrantur satis graphicè inter docta mo-
 numenta historicis descripti calamis; legun-
 tur & in Vobis velut in vivis relucentes leo-
 nibus Magni Magnorum Antecessorum Suc-
 cessores. Vtriq; Vos statui, tam civili, quàm
 Ecclesiastico Fortunæ destinavit exdivisio, ut
 haberetur, qui tam Purpuratos, quàm Infu-
 latos præsentaret. Symbolico quidam vexil-
 lo insculpta Majorum insignia hoc illustravit
 lemmate; *Nomina magno fero*. Optimè
 fecerit, quicumq; id Tibi trāscribere non du-
 bitabit, MAXIMILIANE OSOLINSKI
 VEXILLIFER DROHICENSIS, qui OSOLINSKI
Vexillifer
Terra Dro-
hicensis.
 ad formā gloriosorū Avorū institutis mori-
 bus, illos quasi animatos præfers, præferesq;
 postquam ijs in vectus curulibus, in quibus
 illi gloriam affecuti immortalem, apparebis.
 Prodidisti, quàm altis subsellijs adolescens IO-
 ANNES OSOLINSKI; si juvenis capax

Witoviensis Insulæ inventus, quas non me-
reberis Tiaras, cum Tibi venerit maturior æ-
tas? Vidimus, dum adhuc inter umbras
Scholasticas versabaris, futuræ Tuæ Magni-
tudinis indices, ubi non magis Gentilitiæ A-
scia, quàm ingenij acumine commendatus,
nobis ipsis audientibus, ad hanc divinationē
literariam juventutem provocasti: **FORE TE**
PAREM GEORGIO illi OSOLINIO.
Spectabis hujus juvenilis augurij infallibilē
effectum **PRINCEPS CELSISSIME**; vi-
debis, ut Tuis manibus Episcopali inunctus
muneri, ibit gloriosus athleta, quò Tu præ-
cessisti; postquam videris, tunc palàm fiet,
omnes esse debere ad summa natos, qui
DONHOFFIIS proximi; nec **DON-**
HOFFIOS proximos, nisi summis. Et ve-
rò Patritiū **APRI Tui CAPVT** non absimile
in primis fundandæ Carthaginis principiis
invento, quod postea tantam apud Incolas
religionem meruit, ut non nisi triumphātes
Duces, aut meritissimi Cives illud in templo
repositum permitterentur pretiosis mactare
donis; cum & Tui Capitis insigne tantum
Præclarissimarum in Polonia Domorum re-

vinci.

vinciant clenodia. Exornat illud gemmeus
LVBOMIRSCIORM Srzeniava; de-
buccinant Ducales RADIVILIORVM
Tubæ; decorat KACCIVS Cervus; il-
lustrant SLVSZKARVM Lunæ; annulo
ex ore pendente, coronat LESZCZYNIO-
RVM Vrus; BRZOSTOWSCIORM,
POTOCCIORVM, LIPSCIORM,
OLSZEWSCIORVM, ZALVSCIO-
RVM, DVNINORM Illustrissimæ ac-
cendunt Ceræ. His Tu irradiatus, nonne
satis ad quævis adipiscenda culmina habes
suffragij? cum olim Scipio solâ ostensione
Avorum optimè de Republicâ meritorum,
Romanum adeptus Consulatum. Satis ha-
beret quivis alius, non Tu; qui nôsti benè,
quàm pulcherrimus ascensus ille, cui pro-
pria virtus gradus ministravit. Malè succe-
sit Icaro, paternis alis evolanti; & quidquid
alienâ arte ac studiis exaltatum, aut risui, aut
ruinæ, aut invidiæ patet. Hinc Tu nihil A-
vorum, nihil magnæ Consanguinitatis debi-
turus respectibus, proprio nisu ad hoc usq; di-
gnitatis supercilium eluctaris, quod meritis
excedendo, coronas, dum occupas. Dives

Consan-
guinitas

G

alias

alias Coronarum, & Coronatorum VAVE-
LVS pretiosius diadema nunquam habere
potuit, quam Te habēdo ANTISTITEM;
qui præter domesticas Mitras, quibus Te ipsa
nascendi decoravit felicitas, præter tot Du-
cum Colligatorum cidares, & Regias Coro-
nas, quibus Te affinitatis nexus ornavit, Co-
ronâ Meritorū, quæ omne superat obryzū,
es redimitus.

Quodsi diutiùs expectata, dum evenerūt,
abundantius coronant Vota expectantium,
dulciusq; beavit mentem, quod omnino bea-
re debuit; quâ ergo beatitudine demulisti
Cracoviam ANTISTITVM DESIDE-
RATISSIME? Quæ Te multis annorum
decadibus præstolata, hodie demùm pleno
amplexu salutavit Pastorem. Præstolata in-
quam, quia nec illa alium hoc tempore Præ-
sulem habere debuit, nec Tu alterius, quam
Vrbis Metropolitanæ ANTISTES. Ipsius
enim naturæ Tuæ dotes, & excelsa mentis
attributa, ad quævis maxima Te destinantia,
vix satis æstimata forent, nisi primis hiscè in
Polonia vittis revincirere. Vnde quàmvi-
illæ per Prædecessorum Tuorum colla vol-
veren-

verentur, jam Tuum CAPVT attingebant,
olim Tuæ futuræ. Ipsa enim infantia Tua
destinatum ad ferendas Tiaras verticem, nec
cunis, nec fasciis quivit occulere; primaq;
vitæ aurora meridiem honorum prælagivit.
Pusillo adhuc corpore spes Patriæ impleve-
ras, ut Tibi ab inde de magnis jam inciperet
cogitare parâdis ascensibus. Aequalem cum
Principe Astrorum ortum sortitus fueras; vix
natus, demonstrâsti lucis futuræ augmenta.
Alibi ætas tenera impedimentum ponit ma-
gnæ indoli, Tu ita annorum teneritudinem
maturâsti, ut nihil præferres puerilis, præter
staturam. Maturus enim eras, antequam
tempus maturescendi attingeres; in pueritia
adolescens; Vir in adolescentia. Prævenisti
canos morum gravitate; corporis parvitatē
animi excellentiâ compensâsti. Vix in pul-
vere stetisti Olympico, illicò quos Tibi fors
aut pares, aut superiores obtulit, præcucurri-
sti ad laureas. Nullus erat tam pernicious inge-
nij, qui se Tibi absq; timore amittendæ parita-
tis conferre resolveret, cū omnes victorem
sperarent, si in æqualem cum ijs athleticam
descendisses. Descendebant tamen, hoc e.

Studia Prin-
cipis Nov-
itri.

nolumentum ex eo relaturi agone, quod tan-
 quam Lydio lapide probarēt penes Te, quid
 illis deesset. Ideò omnibus pro calcare ha-
 bebaris, cum pudor censeretur iisdem Tecū
 contineri tectis, & segnes notari. Non erat
 opus ut ludimagistri in coathletas Tuos aut
 verbis detonarent, aut verberibus, Tua illis
 sagacitas pro tonitru fuit; nec tam disciplinæ
 rigor inter classicas velitationes timebatur,
 quam ne Tibi ignavi viderentur. Multi pro-
 pterea habuere pro comperto, quod Tuo
 exemplo magis proficerent, quam assiduita-
 te Professorum. Tantum facit ad egregios
 progressus, solers æmulus! Plus quandoq;
 iuvit ad profectum, uno quadrante inter exci-
 tatos stetisse, quam integro lustro cum desi-
 dibus. Sic generosus sonipes cum generosis
 ad metam cursurus, vivaciùs passus glome-
 rat; inter ignavos friget, & calcaribus premi
 patitur; alias vix habenis còercendus. Felix
 Magister cui Tu obtigisti discipulus! si Ma-
 gistrum habere dicendus es, & non potiùs ca-
 pacitatis Tuæ admiratorem. Quid enim Te
 docuisset, qui priùs omnia complexus vide-
 baris, quàm docereris? Nutus; & primis id-

is for-

is formati Professorum conceptus, satis Tibi
erant ad instructionem; lingua non nisi ad
deprædicandam Tuam aptitudinem requisi-
ta. Quod alij per insomnes noctes, ad lucer-
nas, & accensos cereos percipere vix vale-
bant, id Tu ludendo percepisti, ipsa studia ha-
bens pro distractione mentis. Si anteriori-
bus natus fuisses ætatibus, abjecisset Chiron
Achillem, Macedonem Aristoteles, Honori-
um Arsenius; pugnassentq; inter se de sorte
Tuæ institutionis.

Postquam capacitatis Tuæ famâ Patriam
occupasti, ivisti sub cælum exoticum, quò
plures magnæ indolis nancisceris spectato-
res. Ivisti ijs instructus moribus, ijs commē-
dabilis talentis, ut ultralimitaneus oculus
quoties Te vidit, toties admiratus, quòd &
sub frigido septemtrione in tam tenero cor-
pore spiritus maturescant. Puduit tunc ex-
ternū fastum facti in Polonos sarcasmi, quasi
nemo nostrūm quidquam haberet in se imi-
tandi, quod ex illis non didicerit; quando Te
vifo, invenit quod disceret, atq; imitaretur in
Polono. Fæcunda est & Polona tellus, pro-
ducit illa non sterilia virtutis subjecta. Non

H

ita

ita sumus in hanc septentrionis plagam à
DEO projecti, ut non habeamus, quod nobis
exteri inuideant: in hoc tantum ab illis di-
stincti, quia tenacius virtuti addicti, vitia co-
loribus nescimus palliare, ut lingua candidi,
ita corde sinceri; & genio, & ingenio cæte-
ris gentibus non inferiores. Et ut sine læsio-
ne veritatis dicam, omnia ista abundè absq[ue]
jactatione possidemus, quæ longinqui possi-
dentes nimio fastu attolluntur, quasi soli pos-
siderent. Adjecisti huic veritati evidentissi-
mum suffragium PRINCEPS CELSISSI-

Externæ Na-
tiones.

ME, dum in septicolli Vrbe tam benè forma-
tus cōparuisti, ut nihil in Te desideraret, præ-
ter id, quod fueris Polonus, non terrigena.
Talis enim illuc veneras, quasi jam totum
orbem peragrasses; ita in rebus tractandis
gravis, in gravitate amænus, in amænitate
sincerus, in sinceritate cautus, & quidquid
hominem rectè compositum facit, in Te re-
lucebat. Et quamvis tot tantisq[ue] naturæ cha-
rismatis coruscares, ita nihilominus momen-
ta peregrinationis Tuæ æstimabas, ut nihil
otio, totum utilitati tempus consecrares.
Vnde invisebas templa, lustrabas basilicas,
monu-

monumenta antiquitatis observabas, & quocunq; demum Aufonia primatum sibi in mundo prætendit, serio trutinasti. Nihil erat in ædibus Divorum rari, nihil in palatijs extraordinarij, nihil in structuris admirandi, in picturis venusti, quod non perpenderes; nihil in statu politico arcani, in aulis Principum notandi, in moribus gentium præcipui, quod non rescires, resciendo pulchris discursibus reflecteres, reflectendo conservares: arbitratu, deformissimum esse, si more viatorum orbes exotici permeentur, qui præter aut peritiam, aut difficultates itinerum evitandas, nihil cogitant, tales domum redituri, quales exivere; imò peiores redituri, quando nec Patriorum tenaces morum, nec exterorum periti; nec Hispani, nec Galli, nec Angli, nec Itali, nec deniq; Poloni; nec sago, nec togæ apti; profusis Parentū sudoribus, dissipatā inter leves substantiā lusus, satis se politos censent, dum ad speculum benè comptis capillis, similiore molli sexui, quàm viris, fūco delibutam faciem, proh æterne pudor! & tinctas ostentant genas. Hinc Tu PRINCEPS CELSISSIME inter primas habui-

sti curas, discolos & inferiores Te vitare, eorumque ambire consortium, quos supra plebē nascendi dignitas, & virtus collocavit. Nemo Te nisi inter penetralia Principum observavit, ubi quō frequentior, atque familiarior stetesti, eo dignior acceptione visus, nihil detrahens authoritati assiduā Tui communicatione. Seu Te inferres curiæ Purpuratorum Ecclesiæ Patrum, seu inter Infultos compa-
reres, ubique sic eminuisti, ut Tibi nihil deesset ad paritatem eorum, cum quibus versabaris, præter staturam & annos. Multorum tunc præfagio jam eras PRÆSVL, jam Regni Minister. Si quando propius accessisti illam Ecclesiastici Senatūs majestatem, refractus muricis rubor ad Tuos humeros signabat illud præfagium. Iam tum Romana Aula pro Te meditabatur literas, jam parabat sigilla, jam cogitabat encomia, quæ bullæ infereret, quāvis adhuc Regias nominationes juvenilis ætas prohiberet. Omnia ista omina tam festinè secutus est fortunatus eventus, ut Tecum ipse luctari debueris, cui prius honori lacertū concederes, cum simul à multis invitareris.

Vix enim è regnis peregrinis redux fau-
sto

sto pede solum libâsti patrium, jam Te Po-
lnania, jam Cracovia Prælatum, jam Wito-
via Abbatem, jam Præpositū exambivit Pe-
tricovia. Ne alicui parti Poloniæ injurius ef-
ses, tam Majorē, quàm Minorē susceptione,
munerum contentâsti. Cujus opinionis de
Tua integritate Major fuerit? ostendit, dum
Te sacrorum Arbitrum in Arcopago Petri-
coviensi esse voluerit. At penes sacram The-
midis staterā inventus es altioribus par Ca-
thedris, postquam IOANNIS TERTII judicio à
Petricoviensibus aris, ad Camenecensem Ti-
aram transiisti. Eclipsatus tunc sol Podo-
liæ objectu Threijcij sideris, ad nuncium isti-
us famæ adeò resplēduerat, ut pluribus cum
cælesti Phæbo radijs, squalidas illas barbari-
câ captivitate oras, serenârit. Mahometa-
nâ tyrannide oppressus populus, quoddam
sub jugo sensit levamen. Tecta ipsa Divis
Tutelaribus sacra, & aræ turpiter à furore
gentilium proculcatae, quasi sensûs capaces
insolitâ hilaritate è profanis impiorum sordi-
bus eo die prospexerunt, quo Tu Infulato ju-
bare consecratus radiâsti. Vide PRINCEPS!
si exaltationis Tuæ solummodò rumor tanto

I

gaudio

Prælatum,

Infula Ca-
menecen-
sis.

gaudio affecit Podoliã, quo non diffuxisset,
si Te illi cælorum inscrutabilis dispensatio fa-
cie ad faciem videre permisisset? Observâsses
in Tuo introitu populi exultantis tripudia,
audîsses tam festivas acclamationes, ut refra-
ctæ ad surdas Cameneci rupes, cælo signifi-
carent triumphalem Tuam inaugurationem.
At negavit illis hanc felicitatē Superûm or-
dinatio, ne Te moraretur ad altiores iturum
Infulas; vel nè solo titulo Camenecentium
vittarum sterilesceres, admotus es alijs, quæ
nisi Tibi obtigissent, vix æqualem invenissent
Antistitem. Post ZBÀSCIANÆ virtutis docu-
mēta non diu Polona Majestas meditata, cui
Premisli-
ensis, Premisliense offerret Pedum; Tua capacitas
in aprico fuit, quòd posses vigilātissimi Præ-
decessoris adæquare sanctitatem. Qualiter
hoc ad gratitudinem erga Regnatorem obli-
gavit ZBÀSCIANAM Fasciam, quòd ei non
alius præter Te successor destinatus, patuit
ex Eucharistico Sermone, quo pro Varmien-
si Mitrâ gratificabatur Majestati. Auget
enim gloriam præcedentium, si non quivis
ad eorum successionem elevetur. Nè iners
atq; ignavus post Nervam solium imperiale
preme-

premeret successor, omnem is movit lapidē,
aditum parando ad thronum Traiano Opti-
mo. Quousq; Consulares fasces aut Maxi-
mis Fabijs, aut Magnis Pompeijs Roma præ-
ferebat, eousq; Consules velut terrestria nu-
mina adorati; postquam hæc suprema pote-
stas cæpit per indignissimas Clodiorum vo-
luntari manus, ad eam abjectionem decidit, ut
plurimis oblata, à plurimis quandoq; spreta,
médicare debuerit Candidatos. Quotquot
Tibi præiverunt in Premissiensi Cathedra,
PRINCEPS CELSISSIME, seu pietate
conspicui, seu Pastoralis vigilantia indefessi,
seu dignitate Senatoria insignes, seu eruditio-
ne cōmēdati, seu zelo immunitatis Ecclesia-
sticæ fervidi Præsules, nullius in Te vacillavit
cōmendatio, quia omniū virtutes ad vivum
repræsentasti. Probavit id apertissimè in Te
præclarus Episcopaliū attributorū censor
IOANNES TERTIVS, quando humeros
Tuos præter Præsuleam purpuram, alterâ e-
tiam, quasi utriq; cælo suffecturi Atlantis, o-
neravit, Annulum Regni Signatorium, &
dexteræ & dexteritati Tuæ consignando. In-
ter tot hujus muneris competitores, Tu nec
I 2 petens,

Annulus
Regni Ma-
jor.

petens, nec æmulus ambientium, omnibus
prælatum, effecisti virtute, ut nemo sibi victus,
aut postpositus Te victore videretur. Et ve-
ro hæc Tua electio ut plures, sic ipsius quoque
Regnatoris superavit votum, cum ille Te a-
ptum judicavit, Tu aptissimus extitisti. Si
Dijs ita volentibus precariæ restituti vitæ illi
Magni ZAMOYSCHII, OSOLINII, LESZCZYNII,
& quos orbis in hac muneris suspexit statio-
ne, Tecum de laude gesti magistratus in cer-
tamen descenderent, diu pro certò decisionē
palmæ expectarent, cum par omnibus, & in
omnibus appareres. Nihilo enim Te, nisi so-
lâ prioritate temporis præcesserunt; eadem
Te siquidem erga solium commendat fide-
tas, idem libertatis illustrat zelus, eadem legū
ornat custodia. Illi in iudicando iusti, Tu
justissimus; in dicendo circumspecti, Tu cir-
cumspectissimus. Denique quidquid illi ad
hanc officij altitudinem rectè obeundam pe-
detentim per minores gradus eundo, & diu-
turno Vice-Signaturæ usu aptitudinis colle-
gerunt, Tu omnem statim absque prævijs huic
muneri functionibus, simul, & semel SV-
PREMVS ostendisti CANCELLARIVS;

quæ

quæ eò major in Te requisita , quòd illi tantum vel bellicosorum Regum , vel tantum pacificorum ; & quorum intèta sola circumspiciebat Polonia, Ministri ; Tu Regis & bellicissimi, & Sapientissimi, & cuius motum omnem orbis considerabat universus, IOANNIS inquam TERTII ; Regis, in quo summa omnia ; Regis, in exemplum regibus dati ; Regis, cuius unius vocem Orientales extimuerunt potentiæ ; Regis inquam , cor & mentem explicare debuisti ; quibus explicandis vix par , post excessum è vitâ divini illius WIELOPOLSCII, inventus foret, nisi Te indulgentia Superùm destinasset evulgandis, tam convenienter & integrè , quàm Regnator optavit ; tam ponderosè & suaviter, tam cultè & sapienter , ut ipse Cicero ad agendū similiter longo se probâisset tempore , quod Tu non præmeditatè , & nec sperans aliquādo præstitisti.

Dum verò è propriâ statione in Senatu dicendum erat , fundebas non verba sed oracula ; exosus illam in promēdis sensibus formam , quam multi sectantes , nihil ad aures deferunt audientium, nisi phaleratam verborum

rum luxuriam; eligentes potius à recto sensu declinare, quàm ab institutione Rhetoricâ: quasi idem foret Patriæ consulere, & cultarū phrasium copiam ostentare. Tu PRINCEPS CELSISSIME, non tam Scholasticâ instillatione, quàm rei tractandæ argumento instructus, ne minimum quidem jota protulisti, quod ad publicam non faceret salutem; eò cultiùs locutus, quò connaturaliùs momentum rei expendisti. Illa sententiarum gravitas, ille in affectatus verborum apparatus, illa vultûs gratia, illa vocis moderatio, in fronte nullius perturbationis notæ, sed sincerus animi candor: in gestu suavitas, & totius corporis mira quædam concinnitas, faciebant, ut si, per impossibile loquendo, voluisses aliquid proferre obiter, non poteras, nisi persuadere. Vnde contigit sæpè numero, ut idem sensus ab alijs prolatus hucusq; minus fidei, & roboris in animis consulentium sortiretur, donec exploratum foret, Te idem sentire. Felices ergo erant cum quibus Tu eandem affirmativam, vel negativam tenebas, securi enim erant & à Majestate voti approbandi, & à nemine irritandi.

Nec

Nec mirum Te ejus auctoritatis inter Patres
extitisse, cum palam omnibus foret, nihil un-
quam à Te dici, quod illibatus boni publici
amor prius dicendum non dictasset. Acce-
ptus eras in dicendo, quia nihil accepisti, ut
diceres; eò semper collineans, quò veritas,
non quò nociva legi, & Regi provocabant
studia. Carior apud Te aureæ libertatis in-
tegritas, quàm promissa aurea. Maluisti in
hoc passu videri pertinax, & quasi inhumana-
nus, quàm flexibilitate in leges sanguine Ma-
jorum partas, in jura, quibus velut adaman-
tinis cardinibus communis salus nititur, in fi-
dem, quâ Te purpuram accipiens obstrinxi-
sti, peccare. Ajebas, importunas prensatorū
retorquens suggestiones: ita Te signatorio
Regni Annulo veritati mancipatū, ut ne un-
guem latum ab ejus orbitā posses deflectere.
Vnâ manu Pedito Episcopali, alterâ Lechicæ
Volucris datâ, nossent Te ad capiendum quæ-
vis munera incapacem. Ejus esse indolis Po-
lonâ Aquilâ, ut offas istas generosâ aspernati-
one dedignetur, quæ redolent privatum inte-
resse. Ducantur istiusmodi illicitis minores
accipitres; aliti meæ hæc obsunt obsonia.

Ideo me Rex, & lex supremū esse voluit Cancellariū, ut infra me essent omnes damnosi respectus. Scio benè, quòd *libertatem nemo bonus, nisi cū vitā amisit.* Quantam mihi inurerem notam, si libertatem meam alienæ traderem voluntati, & subirem tam durā servitutem, ut nec linguæ liceret dicere, quod mens rectitudinis amans meditata.

Et quamvis Tu in omni vita alienus à privatis obligationibus, maximum tamen integritatis Tuæ eluxit specimen in illo post IOANNIS TERTII fata scissi Regni turbine, cū neutri parti ita tenaciter adhæsis, ut boni communis penitus exutā curā, post propriū abires velle. Stetisti inter disunitas animorū propensiones medius, soli addictus Patriæ, quamvis nunc ab hac, nunc ab illa parte traheris, grande alicui firmamentum accessurus. Tu verò omnia prærupta exosus consilia, non prius suadentium cessisti desiderijs, antequam hīc, & ibi exploratis arcanis, benè prævideres ubi Patriæ utilitas, ubi legum amor, ubi cæli destinatio. Novit optimè AUGUSTVS SECVNDVS quantum felicissimæ illius inaugurationi adjecisti suffragium;

um; sed non minùs novit Patria, quid Tibi
debeat, quòd illi adhæseris, quo nec melio-
rem optare, nec gloriosorem habere potuit.
Quidquid enim sub augustissimis illius auspi-
cijs felicitatis capiet, quidquid ex conclusâ
pace cum inimico Oriente utilitatis experie-
tur, quidquid triumphorum de hostibus bre-
vi decantandorum audiet, quidquid in recu-
perandis avulsarum Provinciarum finibus
lucri & gloriæ reportabit, Tu magnam par-
tem laudis participabis, eò quòd non nisi
Tuo accessu firmata, hunc & non alium co-
ronavit. Vidimus enim postquam aggressus
es iter Cracoviam, quàm multi relictâ ambi-
guitate, amplius non dubij quò se verterent,
Tua secuti vestigia. Spectavimus, ut plurimo-
rũ in adversâ partē inclinatæ volūtates, de su-
is rebus desperare, incepta damnare consilia,
ad unionem redire, paci studere, evaginato
in bellum civile gladios vaginis recondere,
æmulationes sopire inceperũt. Notavimus,
ut æmulum ad diadema Caput, perspectis
Tuis intentionibus, amplius non de throno,
sed reditu cogitavit: ut miles in neutralitate
persistens, absq; cunctatione ivit in Augusti
suffra.

suffragia : ut nullus dubitavit illum futurum Regem, quē Tu adorāsti. Tibi itaq; adscribet posteritas, quòd non diutiùs Polonia inter scissionis naufragia fluctuaverit, quòd in cruentos conflictus non descenderit, quòd tali Regi coronam detulerit, cujus vel solo nomine armata, superbos Asiæ conatus ad perpetuæ fœdera pacis impulerit, apud finitimos magis formidanda apparuerit, adeò ut quod olim inter novitates cēsebatur, ab exoticis Coronis legatione præveniri Sarmatiā, jam nunc quotidianum sit, tot Legatis Regiam ambiri, tot promissis ad amicitiam invitari, tot obligationibus ad conservationem pristinæ pacis pertrahi, à Turcicis, & Germanicis, à Gallicis, & Sveticis, à Danicis, & Moschoviticiis, à Scythicis, & Hollandicis, à Sabaudicis, & Valachicis, & Brādeburgicis uno tempore eodemq;. Scilicet non habet jam Roma quo se ferat altiùs, & sibi inde prætendat fastum, quod sub Augusto à toto orbe habitaretur, id desiderante quovis sub sole angulo, ne ignarus foret, quid Octavianus cogitaret, in quas partes animum verteret; cū & Polonia sub AUGUSTO SECUNDO ad illud obser.

observantiæ venit fastigium, ut à Maximis in orbe Principibus diligentissimè cōsideretur, ac si esset in illa potentiæ auge constituta, ad cuius molimina, exterorum status sua debebant regulare negotia.

Tam longus meritorum Patriæ, & Regi exhibitorum syllabus, non fineret alium finè pruritu accipiendi præmij vivere; ingereret tædium diversis fatigato obsequijs, ejusdem subsellij occupatio; Tu in pristino gradu sic pacatâ mēte perstitisti, ac si nihil egisses, cū omnia egeris immortalitate dignissima. Videbas ante Te plurimos elevari, præmaturæ elevationi applaudebas; intuebaris quòd Tuæ virtuti debitus honor alijs tribuebatur, non movebaris; inconcussam Romani Civis secutus generositatem, qui maluit posteritati quærendum relinquere, *Cur non sunt erectæ Catoni statuæ*; cum fuerint juremerito Mitra Gracovienfis. erigendæ? quàm post acceptos honores multos ad disquirendū provocare, quâ virtute titulos possedisti? quæ facta præmijs præmisisti? Non est saltus triumphalis, si ex uno in alium dignitatis gradū saliatur, absq; laborum medio. Etiam extra antiquos Ro-

manorum ritus sacrilegiū est, templum Ho-
noris adire, non visitato Virtutis. Nec quis-
quam nævum laudatissimæ Tuæ modestiæ
appinxerit, ex præsentis Mitræ acceptione,
cū de illa nec numerum competitorum in-
troiveris, nec fortasse Regali suffragio morē
gessisses, nisi praxi facere præjudicium metu-
eres, quæ ejusmodi labores, ut sunt Tui, Cra-
cio Tiarâ redimire consuevit. Quid enim
Tibi prodesset inordinato affectu altiores ex-
petere Infulas, qui ita Premissiensi conspicu-
us atq; eminens fuisti, ut nihil CELSITVDI-
NI TVÆ altera plus adderet, etsi daretur su-
prema. Illis dūtaxat effreni passione ambire
sublimiora innatum, qui meritis, & virtute
Pygmæi; Tu Giganteâ rectefactorum mole
excelsus, sic è mediocri loco ingens specta-
baris, quomodò alij ex supremo. Quemad-
modum alta cedrus, seu in Libani superci-
lio, seu in convalle patulos explicuit ramos,
staturam non minuit; humiliū vertex myri-
carum, quamvis in Olympo plantētur, nihil
nativæ adijcit parvitati. Deniq; ad appeten-
dos istos Tiaratos decores inflammare Te
non potuit copiosior censuum respectus, nec
Domūs

Domus cura ditandæ, qui semper adeò juratus hostis avaritiæ extitisti, ut nihil magis oderis, quàm corrasum Plutum in arcis captivare: persuasus optimè, prorsus indignum esse Viro Principe facinus, ad egestatem aliorum velle ditescere, iterumq; abditis scriniorum tenebris aureum incarcerare fulgorem, quem magnis sudoribus è montium visceribus conatus egressit fossorum. Et certè istud est, quo se Principes ultra vulgarem provectos demonstrant sortem, dum alios possunt felices reddere; & quidquid in illos opulentior sparsit fortunæ manus, in alios vicissim, ut optimi dispensatores, partiuntur. Maris proprietatem habeat, qui perfectum Principem circumferre desiderat: suscipiens illud imensa flumina, iterum distribuit; iste nisi larga felicitatis munera ad indigentium necessitatem dispenset, scylla erit, quæ dum plura navigia absorbuit, in plura sorbenda inexplebiles aperit fauces: vel vigil ad poma Hesperidum Draco, quæ nec ipse gustat, nec alijs permittit gustanda. Quotquot Tuo lateri permisisti adstites **PRINCEPS OPTIME**, omnes velut ad aram Fortunæ admissi videbantur;

bantur; nemo à Tuis obsequijs recessit mœ-
stus, nemo querulus, quia omnibus viam
aut ad felicitatem aperuisti, aut actu felices
effecisti. In Tuo famulatu morari idem erat,
quod ad maiora fortunæ munera factum esse
candidatum. Prodidit hoc rerum suarum
nimia amplificatrix antiquitas, omnes qui sti-
pendia sequerentur Alexandri Macedonis,
hoc ipso pares effectos, ut belli Imperatores
fierent; rectius ego id felicitatis munus Tuæ
Aulæ attribuero, unde velut è Spartana pa-
læstra tot emerferunt viri, qui jam vel Offi-
cijs per Rempublicam clari, vel in generali-
bus Regni congressibus pro publica immu-
nitate zelosi, vel à Regnatoribus ob egregia
animi documenta æstimati. Neq; enim Tu
quenquā lateri Tuo adhærere permitteres, ni-
si Patriæ commodo utilis speraretur. Si ve-
rò aliquando Tibi importuna supplicatione
aliquis intruderetur, cui vel naturæ vitium,
vel educationis defectus capacitatem ad ido-
neos actus denegavit, impossibile, ut tam na-
tivos nævos, quàm obtusos non perpoliret
mores, videndo Te exquisitissimis ornatum
studijs; tam politicis, quàm sacris disciplinis
eximi.

eximium, eruditione cultissimum, cultu Numinis imitandum, in Ecclesia sanctum, domi exemplarem, in rebus agendis serium, in perplexis prudentem, in facilibus præsentem, in difficilibus generosum, in inceptis constantem. Quibus omnibus si vellemus panegyricum texere, singulis loco encomij injuriam faceremus, cum nulli æquè laudando sufficeremus. Habent manifestum laudationis documentum à REGNATORE AVGVSTO. Ille virtutes Tuas, & pulcherrima animi probavit attributa, dum Cracoviensi Mitrà coronavit. Fuerat enim antecedentibus sæculis, quòd ille melior videbatur, qui plùs largitori honorum largitus; nunc cùm ista exulavit nundinatio, cùm sola virtus non nummus, divus non dives meretur favorem; quàm meritis esse debueras, dum absq; vanis istiusmodi auxilijs ad præsens evadis fastigium. Quia verò istud citiùs occupare meruisti, compensabunt dilationem faventissimi Superi; hucusq; Tibi annos extendendo, donec decori Ecclesiæ, utilitati Patriæ, & nostro voto satis VIXERIS.

Biblioteka Jagiellońska



stdr0023196

